

Na osnovu provedenog postupka javne nabavke radnih uniformi za potrebe KJU "Dom za socijalno zdravstveno zbrinjavanje osoba sa invaliditetom i drugih osoba", putem konkurentskog poziva za dostavljanje ponuda broj 25-1982/18 Komisija za javne nabavke je predložila, a direktorica KJU "Dom za socijalno zdravstveno zbrinjavanje osoba sa invaliditetom i drugih osoba", donijela Odluku o izboru najpovoljnijeg ponuđača broj 25-2148/18 od 03.12.2018. na osnovu koje se zaključuje slijedeći :

UGOVOR O NABAVCI I ISPORUCI RADNIH UNIFORMI

Zaključen u Sarajevu između :

1. **Kantonalna javna ustanova "Dom za socijalno zdravstveno zbrinjavanje osoba sa invaliditetom i drugih osoba"** sa sjedištem u Sarajevu, Nahorevska 195, koju zastupa direktorica Sanita Alagić dipl.ecc / u daljem tekstu: **Naručilac** / i
2. **"VIZUM" doo Visoko**, sa sjedištem Visokom ul. Gornje Rosulje broj 51., koju zastupa direktor Jasmin Zilić /u daljem tekstu: **Dobavljač** /

I. PREDMET UGOVORA

Član 1.

Predmet ugovora je nabavka radnih uniformi za potrebe radnika KJU "Dom za socijalno zdravstveno zbrinjavanje osoba sa invaliditetom i drugih osoba", prema tehničkoj specifikaciji Ugovornog organa – Naručioca i prihvaćenoj ponudi Dobavljača broj 28-11/18 od 28.11.2018. koja čini sastavni dio ovog Ugovora.

II. CIJENA

Član 2.

- Ukupna vrijednost ovog ugovora (bez PDV-a) iznosi : **9.726,00 KM**,
- PDV (17%) iznosi: **1.653,42 KM**,
- UKUPNA VRIJEDNOST/CIJENA (sa PDV-om) iznosi: **11.379,42 KM**,

Dobavljač se obavezuje na nepromjenjivost ponuđene cijene.

III. NAČIN PLAĆANJA

Član 3.

Naručilac se obavezuje da će izvršiti isplatu ukupnog iznosa, iz člana 2. ovog Ugovora u roku od 30 dana od dana izvršene isporuke a na osnovu ispostavljene fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje.

IV. MJESTO I ROK ISPORUKE

Član 4.

Dobavljač se obavezuje da će robu iz člana 1. ovog Ugovora isporučiti u sjedište poslovnog objekta Naručioca ul. Nahorevska broj 195. Centar, Sarajevo u roku od 30 (trideset) dana od dana potpisivanja ovog Ugovora.

V. OBAVEZE DOBAVLJAČA

Član 5.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač je u obavezi da nakon potpisivanja ugovora, a najkasnije u roku od sedam dana dostavi naručiocu/ugovornom organu po jedan uzorak za svaki model iz specifikacije/ ponude Dobavljača broj 28-11/18 od 28.11.2018. na odobrenje za izradu i nabavku, a naručilac će u roku od 24 sata pismeno dostaviti eventualne sugestije i primjedbe u vezi istih. Nakon toga, dobavljač je dužan da izvrši popravke na osnovu dostavljenih sugestija, odnosno zamjenu neprihvatljivih modela i tako usklađene dostavi naručiocu/ugovornom organu na konačnu pismenu saglasnost, kojom prilikom će naručilac iskazati potrebne veličine modela.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

VI. OBAVEZE NARUČIOCA

Član 6.

Naručilac se obavezuje da ukupnu vrijednost ugovorenih roba iz člana 2. ovog Ugovora, isplati na način i u roku iz člana 3. ovog Ugovora.

VII. PRELAZNE I ZAVRŠNE ODREDBE

Član 7.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

Član 8.

Ugovor je sastavljen u 4 / četiri / istovjetna primjerka, od kojih se ugovornim stranama uručuje po 2 / dva / primjerka.

Ovaj ugovor stupa na snagu danom obostranog potpisivanja

NARUČILAC:

Kantonalna javna ustanova
„Dom za socijalno zdravstveno zbrinjavanje
osoba sa invaliditetom i drugih osoba”



Sanita Alagić dipl.ecc, direktorica

Broj: 25- 2212 /18

Datum: 10.12.2018.



DOBAVLJAČ:

„VIZUM” doo Visoko



Jasmin Zilić, direktor

Broj: 28-11/18

Datum: 11.12.2018. god